



## 行春拜喺

香，在手項，歸年个希望，在心肝頭。過年行春，已多人會入大廟拜喺，這固定个行程，分逐間寺廟看做係一年中大日，帶來人潮乜帶來收毋撇个錢銀，添油香、點太歲燈、點光明燈……，逐間寺廟都鬧借借、尖人毋入。廟肚鬧，廟埕四圍乜共樣恁鬧，寺廟行春祈福帶來个信眾，塞湊附近幾條街，生理人無閒去笑微微，寺廟脣个人家嘎額結結，原本屋面前斯無已好停車，這下愛尋停車所在，又還較難咧！論真來講係根本都駛毋入去，暗晡頭停好勢，日時頭共樣停動毋得！斯恁泥，過年時節，俵、妹乜懶轉屋咧！老人家目勾勾巡看該屋面前來來去去攞核果餅个信眾，敢有熟事人？厥等毋敢出門，斯驚怕有親戚朋友玄玄風從著來，新正年時，屋家哪使得無人呢？

寺廟肚人尖人，手項个香擎高高，斯驚會去揆著人。細人盡冤枉，看來看去做下係尸肱揆尸肱，哪看得著麼个神、麼个佛？大人喊跪、喊磕頭，細尸肱孔高高，貼在跪墊上背个目珠，斯恁泥左片睺過來、正片相過去。一跋跣來斯開嘴：「佢頭先有看著 7-11 哦，等下來去好無？佢嘴燥咧啦！」大人遽遽咄佢：「等下正講，菩薩面前，無規矩！」其實，在細人个心肝肚，爺哀斯係厥等个神、菩薩，樹頭刻个菩薩、金身个佛像，對厥等來講係無意義个。

比得細人，大人斯無共樣哩啲，虔誠跪拜、額頭磕去有聲，誠心誠意唸出自家个名姓、戴哪、跪求麼个……，面前个菩薩微微笑，係菩薩答應咧，今年偈定著會……。神佛分佢力量，信心轉到眉目之間，年過撇，自家該得愛認真打拚正好！

廟肚个香煙，焚去人暈暈，衝都人目珠擘毋開。日頭對天窗箭落來，晟都寺廟肚迷迷濛濛，迷濛中，信眾目金金看緊神佛祈求、目絲絲跪拜唸佛，毋管仰脣，厥等虔誠个心意，做下寫在面項。一殿一殿行過、拜過、跪過，續落來斯係排列登記點燈，一千銀个紙票一張一張掄，在這下正知，正經哦，掄錢也使得掄去恁歡喜哇！收據拿著，掙核平安符並收據，行倒轉去神、佛面前嚟心肝肚个話語，講煞，平安符過爐，迴三圈，過度誠拜三拜，祭拜儀式斯算完成咧！

出廟門，雙腳輕鬆，係寒天，毋過日頭燒燒暖暖，舊年个毋順心，跔煙散盡，焚過香，求過菩薩，相信今年好運定著會跔自家行。

作者：劉玉蕉

### ☆詞彙學習☆

【尖人毋入】ziam+ nginˋ mˋ ngibˋ：形容擁擠 【孔高高】kungˋ go+ go+：翹高高的。

到人再也擠不進去。

【相過去】siongˋ goˋ kiˋ：對準目標看過去。

【額結結】ngiagˋ giedˋ giedˋ：眉頭緊皺。

【焚】funˋ：薰。

【論真來講】lunˋ zhin+ loiˋ gongˋ：說真格的。 【暈暈】ngongˋ ngongˋ：頭暈目眩。

【目勾勾】mugˋ gieu+ gieu+：眼巴巴的。

【掄】lemˋ：掬。

【從著來】zongˋ doˋ loiˋ：不請自來。

【迴】fui+：轉。